

國朝畿輔詩傳

國朝畿輔詩傳卷三十

長洲陶 樑胤薊輯 任邛邊浴禮袖石校

陳德榮

德榮字廷彥號密山安州人康熙五十一年進

士官安徽布政使有葵園詩集四卷

測海集延彥爲諸生與博野尹元孚切劘正學  
有經世之志既成進士授湖北枝江縣修百里  
洲隄除解餉入川雜派遷黔西州以憂去服除  
引年威寧改州升大定爲府以廷彥補之會烏蒙  
土司叛東川鎮雄附之威寧當其衝上官檄廷  
彥往督有司完守備城西陣頽聚民間米桶實  
土石累丈餘加雉堞焉不日而功成賊去城三  
十里縱火牛光燭天廷彥督士卒晝夜臨城賊  
不敢逼會哈元生兵至賊敗遁以江西巡撫薦

攝饒九道督潯陽大孤兩關宿弊盡革復以經  
畧張公薦授貴州按察使乾隆初苗疆新定方  
駐師興屯將吏多鋒銳言兵者未已二年正月  
費陽大火廷彥入見經畧曰天意如此當設誠  
修省苗亦人耳可盡殺乎經畧大感動申戒諸  
將吏如廷彥言攝布政使以黔地瘠薄築壩堰  
引山泉溉田導以含洩之法不數年貴筑貴陽  
開州威寧餘慶施秉間報墾田三萬六千畝督  
民種桑募蠶師教之蠶開野蠶山場百餘所比  
戶機杼聲相聞修學舍繕城垣恤流民給孤老  
益囚食進諸生開以爲己之學自立志始尋  
收安徽布政使建陽明書院以造士卒於官  
周長發序密山方伯言論醇謹詩雄深雅健脛  
胎少陵歷官楚黔猶以字民未登衽席用爲殷  
憂形諸歌詠他如懷人弔古賦  
物摠情皆得風人比興之義  
隨園詩話密山先生人淳樸而詩極風趣每瞻  
園花開必招余遊賞不以屬吏待適階下蟻  
公用扇拂之作詩云退食展頁覲逍遙步深院  
樹根見羣蟻紛紛方交戰呼僮前布席拂以蒲

葵扇頃刻緣草根求穴各奔竄伊有記事臣載  
筆應上殿大書某日月兩軍正相見忽然風揚  
沙師潰互踏踐收隊各依壘蓄銳更伺便人生  
亦俛蟲擾擾盈赤縣嗜欲各有求情偽遞相煽  
吞噬蠢然動吉凶見常變  
豈無飛仙人乘鸞注遐盼  
紅豆樹館詩話密山留意經濟自令守歷升方  
伯所至問民疾苦平反鉤稽有廉明聲不止爲  
文章以自見詩集身後刊行五言勝于七言山  
川險塞之作鑿削雄奇與杜陵入蜀諸詩爲近  
而清明郊行一絕又秀色可餐有悠然絃外之  
音蓋其才能斂能縱故不假繩削膏合矩矱洵  
無媿作手也

### 分水嶺

薄食起行役逶迤上層岡層岡何崔巍上有官兵塘時  
清罷險阻壯士勞分防直下十里溝靡靡陂草黃枯蘆

挺寒英卓立如旗槍懸枝亞紅豆凍雀孤棲僵天風吹  
雪來淅淅沾衣裳羣鴉忽驚飛雙松蔭石梁天寒澗流  
涸蘚壁留青蒼泥深石路滑從者無餼糧相顧有寒色  
枵腹行踉蹌余力亦困憊回首心徬徨胡爲五斗米隆  
冬歷巖疆王事不辭難臣職何敢忘

紅花埠宿羅野人家

荒山無旅店日暮空躊躇蹒跚然一老翁長揖當肩輿牛  
羊散不收口陸路縈紆柴門向水掩一榻松間廬延余  
至其家山肴薦圍蔬苦言今歲旱塘乾堰無魚大兒朝  
入城歲晚輸官租小兒喜客至牙牙牽爺裾卽此羨閒

逸勞役愧不如樹靜風息後鴉鳴月生初獨寐槃澗中  
曉夢猶蘊蘊

清江

清江天上來縹緲歷雲漢雲根養深淵毛髮明可鑿發  
源施州衛千里橫匹練或爲石所激吼雷勢奔電澗底  
織鱗遊表裏皆洞見當其清淺時手掬足可踐漚作無  
底潭空明光一片方春雷雨動夭矯蛟龍現宜都入川  
江無復此顏面渾灑成其大豈云不善變願助東海深  
舊山何必戀

卸甲溝

山形如醉翁佯僂欲顛仆雲林意蒙密水石氣局蹙巖  
霜飛不到青翠豁人目碩果綴餘甘小紅亞天竹澗底  
數枝梅橫斜過石屋凍藥參差開含春媚幽獨到此坐  
忘疲欲往意還復乃知草木心舒榮在巖谷我欲結茅  
菴餐霞友麋鹿

飛魚灘

山靈厭寂寞推石堆山坳河伯怒驅之奮作風雷號水  
頭落雲中勢與帆檣高舵工挾長技一葉隨驚濤撇捩  
轉石罅生死爭秋毫瞬息數百里東逝不可招我舟逆  
流上飛泉灑林杙僕夫引竹纜舟子刺松篙進尺還退

寸目瞪心搖搖勢平流忽散巨艦輕如毛  
瞋色赴林壑停泊傍漁舫吹火煮夜粥  
共慰推挽勞重脣白甲魚出網鮮可庖  
掩篷讀我書斟酌樽中醪前灘名虎嘯  
西上更岩巖且復永今夕何暇問明朝

巴山峽

兩山誰劈開夾立成隘巷斜紋畫額城  
相雄不相讓潭水似井泉淵深靜無浪  
倒垂松杉影瀕洞黑光漾我舟鼓棹來  
容與中流放哀猿駭人聲飛逐烟蘿上  
雲裏一聲啼愁人悄相向仰睇一線天  
重重壘高嶂日月缺照臨山川氣悽愴  
遙想溫太真然犀氣何壯隱隱見水怪



波底暗鼓盪相送一帆風默受神龍賦

天門巖

峭壁如掌立細露掌上紋魚貫行其中惻惻驚我魂足  
怯青蘚皮手拊枯藤根人前不見路一線走循循巖轉  
天門開青空氣氤氳雙石兀碑起勢如虎豹蹲奇樹同  
奇鬼森立欲搏人填然叩石鼓直恐驚帝闕樹梢挂寒  
日伸臂似可捫俯視見萬壑遙天多白雲登高臨深戒  
念我父母身委質膺一命此義難並陳叱馭九折阪勞  
人蓋有因

鎮遠橋北諸洞

布金無尺地飛閣嵌石竇鳥外緣秋毫憑雲費結構危  
磴一線垂丹青翥龍鶯荒放落閭閻僧歸似猿狖堆砌  
錦屏山蠻夷洗荒陋中元小洞天三門何別透碑書紫  
陽院斑剝被古繡摳衣登山腰藤蘿翳懷袖中有兩書  
生高文課清畫自拋詩書緣踰蹻駑馬後開緘展夙晤  
絕境此邂逅裊裊青龍菴金碧俯高岫獨樹偃僕垂團  
如華蓋覆憑欄豁遐睇山水縈左右滇黔扼門戶商旅  
紛輻輳嘔啞響中流渝歌舫自扣春風到天涯桃李花  
開又棘人感蓼莪沈憂肌骨瘦蹉跎歲月道罪戾彌宇  
宙信宿買孤舟好趁前溪溜

飛雲洞

古巖如雲覆山根敞幽邃石形各異狀一一頰仰睇玲瓏冰筋滴比櫛蜂房次滑突人乳垂拳曲佛手繫大者疑雲龍頭爪露靈異又如洪濤翻盤渦互騰沸沈沈太古色青蒼鬱虧蔽遙想融結初真宰勞位置中間供維摩十笏香花地下有不測洞蒙幕鬼窟闕蘊蓄雲水根吐納山川氣倉皇昔經過鞅掌役王事今茲撫石闌揮灑勞人淚亭午天微晴杏花辭故蒂方池一泓水清澈識我意老柏勢更奇撐拄青霄際千年霜雪皮秀翠舍古媚日月促勞筋倦足此暫憩意與雲俱遲蠻荒展佳

麗摩挲亭上碑遊人富清製媿無曹劉才難勒石上宇  
好帶片雲歸閒擬柳州記

讀張山人詩卷

熱客競朱門哲人獨埋照寂寞少微星汀天耿孤耀先  
生任天真坎壈窮登眺披豁山水情採擷烟霞料縱橫  
萬卷書寓目領其要澹然聲色外丰骨見逋峭潑墨圖  
輞川一一歸神妙我本鷗鷺羣微名走荒徼野性倦簪  
紱束縛終難肖展君冰雪文拈花見微笑大雅久寂寥  
誰續千古調嗷然鸞鳳音愧此蛙蚓竅何當詣高齋更

聽蘇門嘯

棄婦行爲友人作

桃花何灼灼爛漫迎風開春歸紅已歇鴟鴞莫相催憶昔蓬門同食力蕭蕭絡緯霜中織佐君夜讀買蘭膏典盡釵鈿無怨色君今已貴妾已老紅顏那比新人好避賢不敢妬蛾眉何須定刈當門草野徑雲低樹色微樹頭鳩婦已分飛也知性拙應遭逐風雨飄搖何處歸

辛烈婦歌

生交鴛鴦頸死化蝴蝶飛情真不相負夙願詎有違辛安女兒年廿一待字原因夫遺疾暫時瘳可賦于歸書梁喜見雙棲翼何期歡樂轉成悲劫火燒殘玉樹枝牀

頭視息親嘗藥密約唯應爾我知有子當撫孤無子當  
殉夫整衣拜辭舅大義何炯如椿堂定省屬兄嫂血淚  
滴枯秋徑草寂寂孤幃鬼共愁茫茫長恨天應老萬籟  
聲沈娥影墮十尺紅綃一命託雙成扶上飛龍車寶婺  
寒芒歸碧落雨亦爲灑泣風亦爲長號同生方十月後  
死已三朝儂身生時心早死隄防空伴家中婢儂身死  
後心猶生皎皎還同旭日明前途笑指黃泉路霞帔雲  
裾零曉露地下雙雙葬玉棺墳頭新長連枝樹

春草送沈方舟南歸

烟漠漠雨霏霏萋萋芳草雙燕飛天涯一片青袍色相

送王孫匹馬歸江北風沙春已暮春在白門桃葉渡水  
遠天長不見君夕陽照斷連天處

曉行

侵星行攬轡四望意遲遲月落將殘夜風生欲曙時巢  
明棲鳥覺霜重草蟲知衰柳凝愁黛長隄故故垂

過臧邨古寺

黃葉邨邊寺無人秋草長塔鈴風外冷僧竈雨中荒燕  
壘塗鴉樹蛛絲絡雁王殘碑鐫歲月滿眼是滄桑

凝眸

怨極翻無淚情多漸欲癡樓前人去路天外雁來時炯

炯憑欄倦盈盈理繡遲刀環空有約望斷隔年期

鎮西道中遇友人夜話

莽莽山城暮相逢卸容裝一燈仍舊雨雙鬢各新霜冷  
樹零秋序重雲滯夜郎幾年飄泊意斟酌旅魂傷

別貴筑

萬里逢春暮飄然去此城故園歸路遠新序旅魂驚飄  
泊傷天性崎嶇見世情亂山青送客一路鷓鴣聲

過大王諸灘作

亂石浮如髻頰波沸若湯湍飛疑發弩溜曲更迴腸一  
葉崩騰下雙篙應接忙乾坤隨處險失色問瞿塘



清河

歲歲逢秋此地過他鄉景物奈愁何霞添晚色鴉爭樹  
浪蹴寒聲馬渡河魏闕南臨紅日近重關北走朔風多  
時時村落閒凝望衰柳危橋過駱駝

恢復烏蒙贈哈將軍

天授元臣上將才星垣武曲耀三台

九重廟略

從容合一路蠶叢叱咤開報國壯猷懸日月平蠻浩氣  
動風雷雄虺九首空搖舌那識天兵天上來

黃金甲冑綠沈槍霹靂橫行古戰場鼙鼓三聲齊士氣  
旄頭一箭落妖芒千山似戟麾旗進萬弩如林躍馬當

辛苦元戎真愛國鬚眉寒染夜來霜

長陽道中

岡頭溪尾路縈迴雪意凝雲凍不開滿地黃茅衝虎過  
排天青嶂壓人來數椽亂架山農屋半壁新殘野燒灰  
問道南方春信早殷勤猶欲問寒梅

風裏征裘霧裏天草深石滑路難前怪禽叫谷如人咳  
老樹盤峯似塔圓僧梵細飄松徑雪魚槎寒泊竹林烟  
簡書催赴名山約好向山靈認夙緣

清明郊行

芳原春草綠離離好是人家祭掃時何處紙錢燒不盡

東風吹上野棠枝

過邵筠菴故居有感

高齋猶憶舊簾櫳  
伯道無兒萬事空  
秋草沒門窮巷冷  
一聲鄰笛夕陽風

赴黔西任途次口占

摩空蒼翠萬莓苔  
山霧連旬凍不開  
遙望前山松樹杪  
行人如豆出雲來

魏廷珍

廷珍字君璧景州人康熙五十二年一甲三名

進士歷官兩江總督諡文簡有課忠堂詩鈔

程盛修魏公墓志公幼端穎戊寅中拔萃科安

溪李文貞公視學三輔延公閱卷乙酉登賢書

時文貞公以一代巨儒開府畿南及門如何義

門劉大山方望溪徐魯南孫峩山俱海內名宿

公一見為莫逆交宣城梅先生定九精于算法

九章三角之學公一經指授輒得其要他如天

文地理河渠樂律無不討論精確得其指歸癸

巳捷南宮 殿試一甲三名授編修超擢侍

講晉侍讀充 日講起居注官庚子典試

江南擢宮詹旋升閣學壬寅管理兩淮鹽課事

務時運庫虧空百五十萬公下車請查據實奏

商力無虧雍正元年擢偏沅巡撫偏沅仍舊名

今昔異宜公忝部入告收為湖南巡撫兼兵部侍

郎清查上江錢糧拖欠積年諸幣大為釐剔又

各翻年額有餘八年調湖北巡撫九年授禮部

隨解稅額有餘八年調湖北巡撫九年授禮部

尚書十年改兵部尚書總督漕運漕船過淮簽

盤官吏需索旗丁隱忍受害公親製簽尺簡而

不煩不能上下其手其運丁盜竄挂欠之弊由  
於本地耗費沿途逗留留公洞悉情形嚴行飭禁  
是年九月署兩江總督十年復任總漕十三年  
補兵部尚書轉禮部尚書乾隆三年補都察院  
左都御史四年轉工部尚書  
書隨罷歸卒年八十有八

放鷹

先驅南山口繫馬東岡上惟聞採樵人丁丁萬山響野  
曠非幽棲泉石亦心賞小憩柳陰下悠然絕羣想鷹隼  
遊寒霄縈迴山林莽起忽獵騎飛羽鏃鳴秋爽麋鹿窟  
蹟深圃合平如掌古人見獵心如此愜俯仰

秋晚泊安陵

雙橋繫纜晚蒼茫秋老河干柳色黃千里雲消鴉陣散

一堤風過稻苗香  
漁燈水調櫓聲遠  
簪笠烟波帆影長  
怪得五湖明月下  
垂竿不屑問行藏

紀邁宜

邁宜字偃亭文安人康熙五十三年舉人官山東泰安州知州有儉重堂集十二卷

紀昀序偃亭伯少有大志功名氣節皆不欲居古人下而遭逢坎壈所往輒窮抑鬱憂愁一寫於詩上薄風騷下躡宋元無不一闖其奧

石門

大巧貴天成翻類良工鑿當其脗合時初不煩繩削陰陽互搏埴鬼斧自推拓四海與九州一氣所磅礴凝結

爲山川落落布五岳餘分散岡阜位置少邱壑石門斯  
表奇疑有仙靈託上平如岸幘中空似張橐驅馳可并  
軌啟閉宜施鑰兩壁青欲滴亘迤絕齷齪虛通延陽曦  
庶免逢不若造化亦猶人乘輿偶然作毋乃大狡獪難  
道小兒謹平生禽尙志孤筇伴腰腳攬勝周道傍孤雲  
捧芒屨

捨身崖

母病以身代二女同顛天一女先投崖端坐神脩然繼  
者幸無恙粉軀巉巖邊爲善雖少僞猶勝惡不悛彼蒼  
豈有意一一區別焉乃知義利界卽是生死關千鈞與

毫髮祇爭一念間野人語涉誕理則通簡編遺骨函高  
崖垂戒炯千年

詠蕉

昏夜看芭蕉奇鬼欲攪人雨夜聽芭蕉淋鈴曲傷神月  
夜看芭蕉碧鸞舞翻振總之此蕉耳憂喜難等倫我愛  
書齋裏淨綠沾衣巾清簟映疎簾敷坐就苔茵風爐自  
烹茶心境兩絕塵題詩不須箋擘取蕉葉新

觀吳映山畫松

吳生作畫如作詩眼前景物皆瑰奇吳生畫松如畫龍  
之而拳攫行虛空醉餘乘興聊遊戲觀者咨嗟不敢議



酒痕墨瀦爭淋漓似吐胸中不平氣  
昨朝登山偶罵座  
蘸筆欲題烟際寺  
僧徒拜跪客逆散  
不知何預癡人事  
誰言嗜酒非英雄  
阮公白眼哭途窮  
裸身大呼原自可  
拔劍斫地將無同  
歸來臥病幾兩月  
杯斝都捐亦奇絕  
興來依舊寫長松  
指輪放出千株鐵

方靈皋先生文集內載左忠毅公佚事甚烈今晤  
左君起巖忠毅公後也感賦長歌爲贈

宮中聖人勤斧鑿  
得心應手云最樂  
稽顙阮蠟高致同  
詞藻丹青安足學  
運斤成風興正酣  
忽捧封章來繹絡  
用卿何爲乃相洞  
太阿從此嗟旁落  
初竊嘖笑市威福

後化虺蜮恣毒虐居然禍宇徧寰海笑殺兒孫滿臺閣  
此時楊左真鐵漢烈骨錚錚風嶽嶽片言褻奸膽自寒  
連篇數罪髮堪擢關豎雖怒魂魄奪社稷無虞實攸託  
一死報國分所甘可恨毒刑甚炮烙糜軀粉骨浩氣存  
常與山河共磅礴忠毅視學巡京畿賞拔史公鑑最奇  
衣衫垢敝形虺羸流俗菲薄兒女嗤公言此非庸人知  
他年三綱賴扶持狴犴省公公怒麾晝夜邈逮來何爲  
國家柱石方汝資胡不自愛乘險噉跪捧公足涕漣瀝  
目光忽閃紫電馳手舉銀鐺欲擲之閣部飲泣勉告辭  
後果建閭扶傾危大厦一木焉能支名與文山共厓屨

忠臣死忠古多有如公之烈更不朽逢公後裔相與言  
猶覺悲風動林藪名賢遺澤庇百世子胡淪落嗟不偶  
撫古追往肝腸悲九閻虎豹豈長守白日晝晦風雷吼  
拔劍斫地歌拊缶憤懣須澆酒一斗

渡黃河用漁洋先生韻

淼淼洪濤絡地長迢迢帆影挂斜陽堤迴曲岸虹千仞  
雁起圓沙字幾行久歎鴻溝迷楚漢誰從碣石問滄桑  
平蕪蒼莽浮雲合知是當年百戰場

天漢浮槎詎可登雙丸終古浴崩騰千帆疾下真如鳥  
十月初寒未試冰喚渡聲傳樵逕月鳴鑣目斷獵場鷹

明朝更訪夷門道蔓草荒烟酌信陵

李基塙

基塙字露園景州人覲會子康熙五十三年舉人官湖南永定縣知縣有墨霞堂詩一卷

李國柱序露園丙寅以前之詩韶音令詞於唐賢微旨妙有參悟邇來格日上短章鉅篇間出悲諷與六義相左右

紀昀閱微草堂華記景州李露園基塙康熙甲午孝廉余僚壻也博雅工詩需次日夢中作一聯云鸞翻嵇中散蛾眉屈左徒醒而不能自解後得湖南一令卒於官正屈原行吟地也又歲暮懷人之一露園實妙才早歲標奇頰軒鶴入雞羣泊然見孤迴文章老更成壯懷激已冷陸此誰復論相思冬夜永

紅豆樹館詩話露園爲河間七子之一錢香樹  
先生視學畿輔最賞其才句如秋夜雜感云愛  
閒非好道善病卻名醫辛苦卞和王炎涼蘇季  
金對鏡云邱壑惟應存煇亮形神自解贈陶潛  
由石門放舟云便可澄懷吟鮑  
謝何時好手遇荆關皆起雋

送別謝晴峯

君去我如何卽事忽成昔悵望車遙遙俯仰生感激君  
如渥水駒行空初受鞿我如閑道牛日宴仍負輓所嗟  
俱滯淫稍喜得賞析矯首浮雲馳奄忽異蹤蹟人生一  
旅雁南北何時息聊輟莊舄吟爲贈繞朝策行矣梁公  
情懷哉毛生檄候鳥自爭鳴鶡一抵鷺百才華不隱世  
輕肆匪高格

蟋蟀

局促不成吟，宵寒漏正深。  
天邊羣雁杳，林外一鐘沈。  
芳草王孫路，流黃中婦心。  
何須更相警，秋思已難禁。

送盧抱孫先生赴塞外

故園幾夕暫維舟，宦海餘波尙未收。  
遷客含情還出塞，良家傳檄正防秋。  
三年澤畔靈均恐，九日花前供奉愁。  
頗怪投荒惟一笑，繁華原未識揚州。

題蔣湘帆先生納姬圖

畫榜清歌桃葉新，先生書逼二王真。  
明珠翠羽風情在，小學蠻牋寫洛神。

卽目

溪上人來鷺不知溶溶春水蘸楊枝  
笊簪斜挂篷窗掩正是魚蠻醉臥時

紀遜宜

遜宜字緘三文安人  
貝子康熙五十三年舉人  
官浙江仁和縣知縣

雨中發閩門

溽暑陰森氣似秋山光水色不勝愁  
行來十里橫塘路風雨瀟瀟過虎邱

即大乾

大乾字容巖昌平人康熙五十三年舉人

山左詩鈔流寓傳案容巖父之正令平原有惠  
蹟罷官後貧不能歸董皋陳元廣與弟曲江元  
度予地葬之容巖善書其兄大曾字魯巖善畫  
兄弟並耽吟詠尤豪於飲容巖以中酒卒魯巖  
亦客死金陵俱無子詩稿散佚無知者曲江一  
日於京師史孝廉經家偶見其遺墨一紙塗乙  
宛然有感於  
懷收之篋笥

序樂堂與家兄夜話

露坐空階夜漏遲  
白頭兄弟話當時  
賓朋似雪春垂盡  
鄰里如星晚更移  
粉壁月添新種樹  
曲廊苔沒舊題詩  
回頭默默頻看影  
狂喜霜髯變黑髭

李法顏



法顏字愚山任邱人康熙五十三年舉人官獻  
縣教諭有棗柏西林稿

任邱縣志愚山選獻縣教諭學宮獨做顏首出  
廉俸興修紳士以次捐金逾年工竣又創尊經  
閣數楹顏爲之記嘗奉委賑縣東鄙徧歷村落  
計口授食全活數千家癸丑景德開水決隄潰  
兩牧相持民病之上憲檄顏往勘顏爲  
居間排解乃並築隄成而水患息

贈于鏡濱先生

幾見棄官如敝屣先生高節異尋常就荒有徑憐陶令  
挂杖無錢笑阮郎潦倒懶尋當路客鶯花愛逐少年場  
春來定長衡陽價莫吝珠璣一解囊

牛思任

思任字鉅膺號伊仲靜海人康熙五十四年進士官河南尉氏縣知縣

和高毅齋重陽後十日同元允修遊西山喜遇阿雲舉作

官散多暇日秋光牽我情鬱彼西山側峰嵐互縱橫重陽去未遠天地亦寥清折簡招名流攜壺出鳳城杳杳翠微巔沈沈落雁聲把袂尋幽討偏覺步履輕漱齒壽石澗摩崖自記名登高乘酒興一嘯谷風生

陳儀

儀字子翽號一吾文安人康熙五十四年進士

官翰林院侍讀學士有蘭雪齋集十八卷

四庫全書提要直隸河渠志一卷陳儀撰儀充  
霸州等處營田觀察使是編卽其經理營田時  
作所列凡海河衛河白河淀河東淀永定河清  
河會同河中定河西淀趙北口子牙河千里長  
堤滹沱河滏陽河寧晉泊大陸澤鳳河牝牛河  
窩頭河鮑邱河薊河還鄉河塌河淀七里海二  
十五水皆洪流巨浸也雖敘述簡質但載當時  
形勢而不詳古蹟又數十年來屢經  
上軫念民依經營疏濬久慶安濶較儀作書之  
日水道之通塞分合又已小殊然儀本土人又  
身預水利諸事於一切水性地形知之較悉故  
敷陳利病之議多而考證沿革之文少錄而存  
之亦足以參

考梗概也

符曾傳公生而穎異讀書過目不忘中康熙庚  
午科鄉試益講求經世之務而以畿輔河道尤  
關桑梓利害凡桑乾滹沱諸水之脈絡貫注及  
遷徙壅決之由疏濬濬導之法若燭照數計已

未成進士改庶常相國高安朱文端公與論經  
濟奇之雍正三年畿輔大水世宗憲皇  
帝命怡賢親王偕朱文端公相度濬治王欲得  
善治河者與俱文端以公對王延見於直廡訪  
以治河所宜公手畫口陳洞中宵絮四年春行  
視畿內水利旋以待講攝天津同知轉侍讀升  
庶子五年設水利營田官分四局以公領天津  
局文安大城隄工皆隸焉自河決後文安大城  
夾隄內外皆巨浸公購菰蔴十萬餘束立表下  
隄隄遂完固至今賴之南運長屯隄隸靜海不  
過數武歲調發霸州文安太城民協修百里襄  
糧疲於奔命公去其籍民以爲便八年升侍講  
學士豐潤諸路營田於天津仿明汪司農應蛟  
史領築十字園開渠與河水通以供灌溉白塘  
葛沽之間斥鹵盡變膏腴豐潤玉田負山帶水  
多沮洳之區公教之開渠築圩皆成良田轉侍  
讀學士尋罷觀察使領史職如故公前後營田  
七萬畝有奇溝洫旣修歲以比登公又慮穀賤  
傷農奏請發帑金採買以充天庾其隨事立

效類如此乾隆七

年卒年七十有三

于辰序先生自爲童子時已崇本力學卓然自命凡經史子集之編濂洛關閩之學天文地志河渠樂律之要兵刑錢穀之詳坐而言起而行者靡勿瞭如指掌而後以其醞釀深厚者發爲文章則先生之重於天下者不徒以文而其文之所以卓卓可傳者亦要不外於是也

殘秋月夕同人雅集韓希彥舍人寓齋和苾遠少

司寇

簾外樹立影樹杪霜烟浮不醉籬下菊空閒池上樓明月從東來揮杯成勸酬世事逝如水昨日何曾留重九高陽池絕絃張素秋

霜雁度銀漢歷歷空中書翩翩背月來逸響臨風舒有

客方感秋聲影落階除永夜已向闌惕然念居諸願託  
歲寒心君子意何如

閔雨

有家無恒產饑飭煎其生可憐白髮親疏食藿藜羹致  
此良不易生事名舌耕積日受鎔銖握粟尙未盈所望  
年穀熟菽麥溢釜鎗村塾依稼穡頗懷農夫情南畝歡  
時雨西風重晚晴連朝忽靈溢行潦遂縱橫簷溜無輟  
響雷轍迴新聲父老長太息歲功恐不成餒也已矣夫  
一飽何可營

留別李藝老

將以君爲俠史冊紛堆牀談言往往妙微中憑今弔古  
神飛揚將以君爲儒詰屈烈士腸人生緩急時有乘  
空破險誰能當昂藏七尺骨如鐵冷眼看人心膽熱平  
生然諾重黃金浮世功名冷冰雪家傍銅臺漳水流銅  
臺烟冷鄴城秋常欲騎鯨秋水上有時射虎南山頭行  
蹤偶踏塵埃陌幾載信陵堂上客搗來邂逅始識君意  
氣相關共肝膈相見時難別亦難一杯酒盡淚闌干我  
今衰老垂七十何地重逢把劍看

送別程子東

瀟灑無且贖藥囊歸來松老菊猶芳十年作客少塵事

三逕醉花留夕陽他日名山來向子祇今京雒失韓康  
送君未到都亭路目斷西風數雁行

宮保屢過蓮池共話次天池侍御原韻

山公最愛習池行謝傅東山共遠情問柳尋花正瀟灑  
談兵說劍忽縱橫十行奏牘言泉瀉千里關河坐嘯清  
傾倒不知春日暮但聞林鳥換嘯聲

贈牛次經

論交回首廿年餘瀟灑荒城舊寄居爲惜苔痕長謝客  
恰投蘭臭獨憐予浮杯綠蟻千巡酒脫手丹鉛幾篋書  
猶憶重陽風雨裏相招采菊膾鱸魚



奇懷每自惜良辰門酒題襟選勝類游戲已通三昧法  
風流還似六朝人貧來興味何曾減老去知交漸不親  
猶有歲寒松菊在恰逢重九話艱辛

悵望荆門淚溼衣每嗟烏鳥願長違十年孝子丹心苦  
萬里孤臣白骨歸重話家艱堪出涕飽嘗世味轉忘機  
一尊相對清秋夜月冷霜淒木葉飛

田居

黃茆蓋屋土泥牆籬落周遭草木香欲遣山妻曉蠶織  
傍簷特樹幾株桑

大堤南畔小樓西十畝園開百稜畦自挽桔槔分綠水

手牽雨薤蕪香泥

趙尙友

尙友字山泉南樂人康熙五十四年進士官山西襄垣縣知縣有山泉吟稿一卷

初度日

宇宙一閒身知非又五春宦情憐故我旅食笑因人日薄西山霧風輕九陌塵端居成底事顛顛守清貧

高荀僑

荀僑字毅齋靜海人康熙五十四年進士官兵

部郎中

卜梅谿納姬戲贈

紈扇交風玉簾清  
抱衾人是許飛瓊  
若家金屋原多麗  
珠箔潛聽淺笑聲

五銖絲細紫霞襦  
香汗漙騰透雪膚  
深閨無人親掃黛  
暗拋星眼看檀奴

秦鑄

鑄曲周人康熙五十四年進士官河南扶溝縣知縣

平恩懷古

驅馬出東門  
蕭蕭秋欲老  
斷岸折驚沙  
寒雲疾飛鳥  
云

是古平恩當年佳氣繞豈無甲第開蒼茫空宿草懷古  
涕沾裳感舊悲如掃何以百年人龍戰猶驚擾呼酒問  
西風天光開浩渺寫意攬秋空清霜一掬小

姜順龍

順龍字見田號麟玉保定人康熙五十六年舉

人歷官四川按察使有采鹿堂詩稿四卷

大名縣志順龍藉保定父天濬遊大名因家焉  
以保舉授戶部主事轉員外以御史權福寧知  
府創蘭溪書院改攝泉州府篆所屬晉江縣西  
倉濱海負山山蠻數相殺劫順龍請於臺司添  
設同知遊擊專制其地其風遂易投福州知府  
有淫祠民好祈禱舉國若狂順龍立毀其祠遷  
建邵道晉四川按察使四川地少山多鮮  
務農乘順龍墾山田禁游惰百姓便之

渡江至漢陽駐宿與堦同叔話別

帆飽江風畫鷁翔  
鏡歌聲裏送斜陽  
一樽酒盡人千里  
兩地書憑雁數行  
天外計程愁歲暮  
燈前惜別話更长  
朝來折柳河橋路  
楚樹川雲各一方

高廷獻

廷獻字書思號敬亭元城人康熙五十六年舉  
人官安徽安慶府同知

貴池道中遇雨覓宿山莊

車馬山莊少沿門  
稚子譁急流鳴怪石  
驟雨亂棲鴉排  
闕敲詩句消愁問  
酒家春膏端有賴  
豐稔卜年華

魏述祖

述祖字繩孫獲鹿人雙鳳孫康熙五十七年進士有靜遠軒詩集

獲鹿縣志述祖年十二補博士弟子員二十四拔貢生平以讀書爲樂已領鄉薦攻苦如未第時戊戌成進士未仕卒

浣紗石用李太白韻

美人不可見見此苧蘿山我來陟其頂臨風懷玉顏  
玉顏入吳國千秋片石閒西家訪遺址依稀殘照間  
松風自謾設鳥語徒關關功成泛舟去芳躅誰躋攀  
徘徊以舒眺白雲空往還

謁比干墓廟

突起高邱葬比干直教行路盡悲酸  
三仁禍莫如公慘七竅心於此地寒  
禾黍幾更新社稷柏松常護舊衣冠  
忠魂血食光千古咫尺朝歌淚未乾

于振獅

振獅字扶青號霽亭宛平人康熙五十九年舉  
人官蔚州學正有愛萱齋詩草

上巳宋司馬招集北泚賞梅分賦得清暢二韻

春事候將暮始見梅梢明使君遊讌暇  
客來衫履輕高臺相賭墅校射松陰平  
蕭散各自適領畧風日清俯瞰

豁目處柳塘春水漾，矧當修禊候，觴詠敘幽情。  
烟暝斜日收，逸興轉清放，梅裏發吳歎，玉篴微風漾，遠  
林白雲生，高隅新月上，雜坐傾百壺，白眼天爲曠，醉餘  
得佳致，火樹連青嶂，探梅三度來，獨覺此遊暢。

歷下亭同人雅集

北海遺蹤水上亭，少陵詩碣冷烟汀，畫船棹破鴨頭綠，  
遠岫堆成佛髻青，月影浸湖人未散，荷風入夢酒初醒，  
濟南名士多千古，猶贖沙鷗對客星。

張燮元

燮元字爾公，號澹夫，磁州人，康熙五十九年舉。



人

徵人詩公爲文絕肖震川試輒冠軍揚大中丞  
建兩河書院往受業焉未幾丁外艱以哀毀卒

杜村道中

郊行喜值景芳非遠樹鐘聲隔翠微  
新雨足時禾競秀野花開處蝶翻飛  
白沙平碾迷殘雪綠樹濃遮認落暉  
不畏春寒頻駐馬遲遲古道意忘歸

邢芸圃

芸圃天津人康熙五十九年舉人

天津縣志芸圃天性孝友父容都下投徒奉母  
東修所入悉供甘旨母病晝夜侍牀簣衣不解  
結蠟蠶盡生瀕危芸圃百計營療爲不食累日  
歿之日撫棺長號遂咯血不止旬月竟以哀毀

死弔其廬者見淚迹血  
痕交漬幕上無不哀之

勵志詩

夷齊恥偷生盜跖竟壽考修短豈天意榮枯恒自討不  
懷西山清悠悠可終老歎息雲中薇何如不死草  
嘯聚有大盜不在草澤中吮血有鸞獸不是爪牙雄高  
冠擁大袂攫噬恣無窮廉恥日凋喪翳誰振清風

李 鍼

鍼一名咸字含奇廬龍人康熙六十年進士官  
翰林院庶吉士有鄧尉山房集三卷

別裁集含奇先生官太史館選未幾旋卒無有  
知其能詩者讀其遺集鬱伊易感愴快難懷情

至文生咀吟不厭彼山澤之士沈淪而不章者可勝歎哉

雜感

爛漫年華爛漫愁春光春水兩悠悠卷施有葉心先斷  
杜宇無聲血已流歎逝陸機同閱世思家王粲獨登樓  
此鄉信美非吾土冷落胥江一釣舟

生別吞聲已不禁頻爲死別更摧心圍棋寂寞虛山壁  
清宴依稀憶竹林季子遠攜留墓劍女嬃空冷搗衣砧  
三年伏枕雙垂淚腸斷清猿向曉吟

送友歸鑑湖卽赴辰陽幕

易別還如商與參醉歌燕市恨分襟旅遊舊雨聯今雨

歸客越吟還楚吟潮落巖灘殘雪盡春生洲浦紫蘭深  
相思一夜江花發千里月明同此心

邵泰

泰字峙東大興人康熙六十年進士官翰林院

編修

別裁集太史以母氏年高居官未久卽請終循  
咳之養詩中暫赴志館戚然于中仁孝之思可  
矣風

壬子正月重赴金陵志館偶誦陶詩遙遙從羈役

一心處兩端句愜然有感

春風從何來所過不留蹟人與物同春欣欣各自得嗟

我獨何爲當春轉蕭瑟親老不能侍饑驅困行役縱非  
出山泉仰媿入林翮一心信兩端念此有餘戚緬昔負  
米賢歡焉供子職

勵宗萬

宗萬字衣園靜海人廷儀子康熙六十年進士  
歷官刑部侍郎

紅豆樹館詩話勵氏三代秋曹四世清德歷受  
主知以經濟文章顯衣園世其家學視  
學山右多所甄拔生平尤工書法出入二王父  
子間按文格文恭均以善書名世衣園幼承指  
授故深悉其規範而殫心造微視其祖父殆有  
過之無不及也詩稿散佚不傳謹見山右石刻  
准念堂明府  
詩來苦錄

秋日屯留道中

迤遞平沙一逕通  
驅將溽暑仗金風  
人行翠陌青疇裏  
秋在絲雲絮雨中  
砧杵隔村時送響  
旌旗臨水偶搖紅  
兩年三過銅鞮路  
吟到丹楓興不窮

國朝畿輔詩傳卷三十終

國朝畿輔詩傳卷三十一

長洲陶

樑鳧薌軒

慶雲崔

旭曉翫

王蘭生

蘭生字振聲號坦齋交河人康熙六十年進士  
歷官禮部侍郎

全祖望王公墓志安谿相國督學畿輔公時方  
試童子安谿一見奇之拔冠其曹教以窮經已  
而文貞以吏部尚書兼撫直隸檄公入保陽書  
院爲都講及入正揆席招公入京安谿之學留  
心律呂歷算音韻有發前人所未及者公皆得  
其傳時廟堂方開書局旁求哲士  
聖祖仁皇帝神明天縱自六經外於諸家皆能  
洞探其妄奧疏決其障礙而安谿之學適與有  
合然以關務繁不能任編纂乃薦三人其一今  
禮部尚書景州魏公其一卽公其一今順天府

國朝畿輔詩傳

卷三十一

一



丞寧國梅公同入

直晝日三接以膺

顧

問遂得時受

天語指示校審周易折衷

以至纂輯律呂正義

數理精蘊卜筮精蘊音韻

闡微諸種又編朱子遺書

公皆與焉而律呂音

韻二者公之力尤多

公於律呂少有夙悟安谿

嘗以朱子琴律圖說

雕本流傳多誤令公正之

公爲之快發証明遂可

推據旣得承

聽所長製律管風琴

諸解乃本明道程子之

說以人之中聲定黃鐘

之管積黍以驗之展轉

生十二律皆與古法相

應又至郊壇親驗樂器

而後知管音有長短巨

細之差故有黃鐘積八

倍者或四倍者而匏笙

之管反有黃鐘積八分

之一者至塤箎之數亦

皆以黃鐘積實加減而

得其應聲至弦音則但

爭長短或用倍或用半

其聲已應蓋立方者用

體平方者用面有不同

也其說弗盡符於朱蔡

而與管子淮南合音韻

則公得之安谿之說者

大畧與崑山顧氏同而

較密又承

聖祖之誨知國書與古法合

并外蕃諸國韻書亦有

台者今人皆疑歌麻支

齊微魚虞七韻無頭不

知七韻乃聲氣之元能

生諸部切諸部而不爲諸部之所生所切宜居  
部首卽國書第一頭喉音五字也等韻之易錯  
皆由清濁之不分乃卽用國書五字頭爲聲音  
之元以定韻又用連音爲紐切之法以定等皇  
極經世韻圖詳等而畧韻顧氏則詳韻而畧等  
互有異同是書出較若列眉而萬音舉矣是  
時翰詹宿老容有未盡通其義者公以布衣諸  
生親接君相之緒言披卻導窾釐爲一代石渠  
大制作誠遭際之極隆也  
秋 特賜公同與禮闈試尋丁外艱 聖祖以癸巳  
纂書自隨辛丑春 世宗憲皇帝嗣位授編修  
院庶吉士 丙午主廣東秋試事還京  
已遷司業 浙中素稱多士公未嘗稍徇物望  
督學浙江 浙中素稱多士公未嘗稍徇物望  
而高材生俱列甲選在浙三遷至侍讀學士移  
節安徵得上如浙中晉閣學是秋卽主江南試  
事以學臣而主試亦前此所未有也再移節陝  
西得士如初會所貢舉士挂吏議連及左遷需  
代吏部推翰詹諸人入見 世宗熟視良  
久曰恐皆非舊學臣之繼也乃留公俟期滿而

以少詹事

今上嗣位仍晉閣學還京

公以浙江銅政大壤長吏之任事者輒因請變

通其舊例陝中流民舊皆令土人養之宜令有

司別爲安插皆仁心仁術也適

禮以公同總其局是冬晉刑部侍郎尋調管禮

部以積勞致病願爲受

世宗梓宮發引公扈從出行次涿州從者前有

所白則危坐於肩輿中

帑金五百督臣爲治喪

爲未竟其用焉

卒年五十有八

隨園詩話余十二歲受交河王先生知入學十

五歲受安谿李先生知補增感知已之恩求王

李二公詩

不可得

熙朝新語交河王蘭生與景州魏廷珍以李文

貞薦入直

內廷在館充校對官編樂律淵

源諸書嘗被

命與文貞

參酌樂律韻學士林以爲榮

送安谿先生給假歸里

夫子命世儒千載明良遇德位兩相符

心固自昔履諸艱屯亭望彌著婉轉達恪誠精明行平  
愆衆美萃厥躬欲言難指數余生十室邑幼乏師友助  
應試始童子振衣謁公署拔之儒中詔以賢關處手  
授牒著法口傳太極註及擢鎮封疆九郡才英聚得廁  
精舍秀與聞名理趣如寶盈市歷取攜恣所慕願奢力  
不充駑馬躓長路佳藥贈茯苓名醫尋扁跗成我同再  
生奚止陶冶銷劫來遊

帝都校讐得參與朱子

八十篇從頭味章句遶才廣關門匪俊亦獲顙頑璞綴

琮璜短翮隨鴛鴦理數聆精微大樂聞韶濩分薄榮寵  
多夙夜抱憂懼孚愧未盈缶并起徒射鮒凜凜師傅言  
昭昭 聖哲論事上在立身曰惟尊矩度重任不  
易勝至道難遠悟所期一藝明敢辭千辛赴有階始可  
升迷津焉得渡轉盼兩春秋再啟余心鋼

壽安谿先生七十

夫子生南極海嶽精英聚派衍延平統學躡紫陽步立  
言復立功炳炳德所著早歲誦羣經窺見孔顏趣三十  
游翰苑 眷求寵日注密策破逆藩舉賢蕩海霧得告  
篤忠貞還 朝懷孺慕孤介萋菲來易簡險阻去三輔

視人文清風歌滿路藹藹師弟情德音每傾吐共知經  
學尊一掃時文蠹旋

敕撫畿疆八年勞始嫗盡

除供給煩深恤農民苦潔己不驕人作德非干譽恥爲  
赫赫聲日久名益樹洎

召秉 國鈞彼此無惡

數已盡變理能猶凜冰淵懼大業今云隆問學彌優裕  
政事車馬間無日忘章句奧旨低處尋要道平日悟學  
易五十年功深味尤飫淵溯伊洛源津問濂溪渡十翼  
細發揮三古遞疏註其他經子說縷析天人故論兵握  
機明講樂旋宮布歷訪宣城梅韻取亭林顧曲藝搜其  
根衆妙如奔赴生也駑駘資奚堪良造馭春風十二年

化雨潤草庶撫已慙劣薄匪顏勞孔鑄亦嘗冀一得何  
敢辭千慮有時覩微茫驚喜徹宵曙佳節近重陽七十  
今初度綺筵錯觥觴冠裳拜階阼賤子獨後來有懷欲  
陳鋪脫略溢美詞聊以披情愫德願邁衛武壽祝過文  
潞於焉樂循牆永倚龍門固

雞冠

參差丹檻外彷彿德禽棲采羽殊疎淡層冠甚整齊微  
搖疑欲鬪久聽不聞嘶時值秋風靜凝然養木雞

老少年

色爲羣芳殿紅待雁南還謂老何更少經霜乃獨妍如

花攢密葉似錦帶朝烟解得成丹術於斯可永年

送李廣卿歸養

艾年柱史彩衣新奉

命歸來許養親已著鴻文

輝碧漢思供斗酒萃嘉姻計程遠倚三千里獻壽行將  
九十春進退有關名教重非乘秋興憶菰蓴

閩山藍水毓冲和上壽筵前集玉珂七壻八男今倍矣  
敦詩說禮古如何斑衣柱史老萊子絳帳嚴君馬伏波  
將相人家忠孝第爰申五福備三多

隆顙虬巨柏松蒼退諾深醇蘊義剛指別寒溫昭變理  
毫生花鳥露文章經書滿腹渾融化闕閤門高不設張



竊比他山石攻玉猶嫌卑牧太謙光

世德由來不易名前賢砥礪在持盈虛懷堪使愆尤寡  
秉禮猶妨悔吝生家政足瞻儲相業鄉評首重育羣英  
清宵三復文貞句小宛詩篇一再賡

恭和

聖製喜雨詩

麥苗方長穀生芽得雨蕃滋衆卉皆兆庶咸歌

天德大

精誠自與化工諧行看穎粟徵全美此

際風光已最佳共仰

宸章昭碧漢欣同萬國慶

榮懷

萬年寶曆詩

寶厯千支徧貞符運祚昌百僚齊忭舞萬國會梯航極  
朔來琛幣遙西貢篚筐譯重何輻湊海久絕波揚解澤  
真無外仁聲詎有疆 君師極永建創守業兼彰

濟慮周千載勤思徧八荒指揮除孽孽乘鉞掃  
櫬槍西北窮山界東南跨海洋運籌如掣電殲寇等驅  
羊溫肅無偏側權衡妙度量隨時舒武略卽事見慈祥  
耕織圖恒玩雨晴錄必詳盈宜欣部屋誠敬達 穹

蒼 天語頒膠序 鴻文凜廟堂教思同孔孟心  
畫透羲皇學斂諸經液行昭百代坊採言分正偽好古  
別低昂揆藻超風雅揮毫邁晉唐律成符累黍音正析

微茫筆算憑三角

心裁化九章觀天猶指掌齊

政比探囊搜盡羣流脈研窮邃古藏高名必悠久篤厚  
自輝光德盛恒謙抑神完愈壯強生成包萬類感召異  
尋常下士叨

恩待中心實愧惶

座前聆

聖訓榜外

賜天香借紫榮閭里懷丹矢拜颺

永諧四表願共慶萬年觴

周焯

焯字月東號七峰天津人拔貢生有卜硯山房

詩鈔二卷

吳廷華傳七峰世爲天津人初以名諸生貢成  
均不第遂棄舉子業專力於古工詩精小篆八

分及摹印法。注堅確。凡所注意，輒出全力。赴之築草堂，沽上所藏多古書畫金石彝鼎，尤富摩挲。自第一家，素貧而嘯咏不絕。生平嚴取予重然諾。於大節所在，每百折不回。儒者多重之。英廉序月東詩，如稠溜忽鳴，如籬花自開，清微蕭遠，自寫其性情，所欲言而一空，搏摭規仿之習。

汪沈序七峰詩結體也。密捶字也。堅命意也。附物而切情。天津詩教之振自君始。

蓮坡詩話月東賦詩務極研鍊，不肯苟爲雷同。著卜硯山房詩二卷，嘗作咏物詩，推敲一字未就，語人曰：吾爲此損眠兩夜矣。其苦吟如此。又嘗待渡河干，時已昏暮，孤艇獨橫，傍崖絕無人影，因得句云：兩岸林俱寂，一溪月正明。呼船人，不應水應雨，三聲且行，且誦。後有同渡者見之，匿笑。月東傲兀自喜，夷然不顧里人爭傳之。

隨園詩話月東游海潮，菴得謝文節公小方硯額，鐫橋亭卜卦硯五字，背有元人程文海銘。周

珍重之托以竊隨死乃無有恒也一時是者  
如雲錢辛耕云眼中只有石丈人江南更無所  
養卒紀心齋云遠過一片  
韓陵石留伴千秋玉帶生

題楊竹亭寒缸聽雪圖

同雲黯竹窗夜雪明幽徑中有未眠客一鐙寒獨映蕭  
屑灑松杉入耳了無競那許熱中人山齋一同聽

新秋閑堂雅集

一雨節候變微風蕩炎蒸佳日罕獨坐愛茲天宇澄謝  
敷高尚士宅市心如冰開尊泛奠酒掃徑迎蘭朋池花  
白欲墮砌草青還凝諸君擅才藻文譽久蜚騰詩成擬  
漢魏庾鮑皆憑陵臺閣崇時製古學誰擔承寧知草野

際風雅道猶興嗟余久銜恤百感日交并經書束高閣  
筆硯已緘滕况當秋漸厲愈令悲難勝謬厠歡讌地味  
索同枯僧徒倚句未就溶溶清月升

夏日香林院分咏若樓居

貞白好樓居三層臥跂脚道人結構殊數椽何撲略支  
枕聽松風宛與岑樓若於茲歷廿載茆茨做如昨草色  
上窗櫺花香撲簾箔我來仲夏天一權訪雲鶴解衣入  
此室意氣殊磅礴憶昨滄海遊思欲攀仙閣瓊構沙莫  
卽蜃結虛難渡隨分安吾居一廬自可託有酒今正盈  
何用憑高酌

臘日同人過挂甲寺懷子愍上人

數載違初地，凌寒特一探。  
入林心自遠，載酒興同酣。  
晚照明殘榻，閒雲冷舊龕。  
幾回吟未就，海上憶精藍。

明年擬讀書海上，聞茶星出宰通江，未遂結鄰之約，悵然有作。

雅愛戴平仲，明年欲卜鄰。  
何期滄海吏，又問錦江春。  
對酒杯空把，攀條柳正新。  
祇應同惠遠，謂子愍上人風雨坐懷人。

初夏

海天春已去，簾捲日初長。  
掃徑花餘片，抄書字益行。  
偶

閒還曝藥小倦欲支牀持此消三夏悠然雲水鄉

宿雪幢精舍

溪流天欲雪向夕叩僧關磬響一時息余心適與閒空  
香來枕上清夢落松間愛此應常住無勞更買山

題東溪夜讀圖

此間塵不到秋水淨樓雲林影未相識溪聲如久聞道  
書行尙把燈火夜方勤何日輕舸去元關一叩君

曾賞夫養疾倪子書齋俾題座右

暑退涼生院幽齋備養痾松苓量腹進生息任時過蟬  
響靜中遠槐陰午後多匡牀百慮淡隨處得安和



與子愨上人溪上步月

溪上餘清景宵來更不同  
水天雙月白林屋一燈紅  
人境無塵想縹流有素衷  
未知蓮社酒果否許陶公

田園卽事

爲農不覺苦但覺趣常清  
淨看澆畦水閒聽打豆聲  
官租輸始竟穉酒漉初成  
便可陶然臥何欣世上名

自海上歸寄謝子愨上人

已公眞愛我期我水雲鄉  
幾日望艦柁到時齋糗糧  
海風吹把袂松月照聯牀  
感此情何極寥寥託短章

送原江阜歸錢唐

心傾伯玉三年久每許蘭言臭味同忽動滿懷尊菜思  
難迴片席鯉魚風君歸暫作湖山主我老真成田舍翁  
折取黃花代楊柳離情秋意雨無窮

秋日戴茶星童葵園見過草堂

門徑蕭疎水一澗久無屐齒到茅茨高人初返戴安道  
舊雨重來童隱之揮麈幾曾談世事擘牋惟欲乞新詩  
臥遊山水堪同賞漫問籬花發幾枝

下第寄子愨上人

三夏同居味似冰情逾醇酒醉蘭陵親烹葵韭供朝食  
常輟鐘魚伴夜燈世外翱翔君自遠池中變化我何曾

窗螢案雀空相負  
媿見東林素月升

秋日訪子愨上人留宿精舍

小別雲林數載餘  
一舸重泊古僧居  
攜來紫蟹黃柑好  
正是斜風細雨初  
野圃四圍秋寂寂  
山齋一榻夜蘧蘧  
寒星數點流螢小  
猶似虛窗照讀書

魏宮詞

自入魏王宮  
日日銅臺裏  
君恩鄴下塵  
妾意漳河水

曹娥

瓜沈尸未得一痛赴  
洪波千載誰同調  
孤忠有汨羅

鄰院牡丹

也曾覓種到豐臺帶露和烟作意栽一樣春風共春雨  
好花偏向別園開

過薊州懷李旦初

翠幘丹林屢夢遊我來攬勝正新秋盤山舊主今誰是

旦初曾爲薊州判官自號盤山主人細雨斜風過薊州

題寒江釣雪圖

荻葉搖風已半披凍禽拍拍去江湄桐廬暮雪寒如此  
尙有高人理釣絲

雨後過青蓮精舍與趙香榭夜話

一權清冷訪鶴羣山堂雨歇夜初分話蟬聯處留誰聽

兩樹秋槐閣斷雲

待子愁上人不至

望斷疎林沒夕暉  
寒潮空打竹間扉  
一枝槐影燈前落  
疑是山僧戴笠歸

爲李筠溪題芍藥時筠溪將有涑水之行

淒淒南浦雨如絲  
況是春當婪尾時  
我已黯然君欲去  
忍看淡墨寫將離

夢耿齋四弟

憶弟看雲別有情  
詩才常藉惠連清  
如何兩夜西堂夢  
春草如烟句未成

成文釋

文釋字次冕大名人貢生官曲陽縣教諭

大名縣志文釋成文穆公元  
孫博學能文章尤長於詩

題西疇情話圖

松菊猶存歸去來蕭然琴鶴絕塵埃賞心惟有匡廬竹  
移得千竿紙上栽

雞肋牛刀已兩忘盈樽酒熟足斟量瓦盆評泊從鄰叟  
禾熟頭低麥熟昂

胡捷

捷字象三大興人諸生有讀書軒集

天津縣志捷幼穎異長工詩格律秀整爲姜編修西溟所賞

蓮坡詩話象三幼有神童名十歲能詩文與余同硯席者三十年其詩清潤和婉時出性靈有和余元旦詩云百歲渾消幾首詩醉吟愁咏費相思破正清興還無著飛上梅花三兩枝又有高下歸鴻影紅黃老樹村愛閒身少累嫌俗骨無能山擁白雲西塞雨霜吹紅樹秣陵秋貧入愁腸偏曲折秋來詩骨倍嶙峋等句象三爲梅宮詹之珩所拔士與泉亭老人魏燕公尙賓爲忘年交

榆堡山莊呈心穀

禾黍垂垂夾路齊  
午莊相接聽啼雞  
拂雲榆柳圍墻曲  
卷畫峰巒列戶西  
梧院獵風晴似雨  
竹窗交翠曉猶迷  
山翁習靜開三徑  
招隱何年此共棲

送湘南師之杭州

船窗如坐碧紗廚一路江村似畫圖  
萬樹梅花千个竹春風隨夢到西湖

查爲義

爲義字集堂宛平人爲仁弟歷官淮南儀所通

判

紀昀查公墓志公少儻入歲卽能作大字長  
益博綜經史期爲有用之學會國家有事西  
陲投筆轉餉塞上論功趨安徵太平府通判公  
留心民事刑弊無不言懲器災飢民過境公具  
粟分贍各以舟護出境所活無算而邾人亦賴  
以無擾擢淮南儀所通判在任八年慶虛僞絕  
苞苴介然不避利害積弊以清以  
父喪歸遂不再出年六十三卒



津門詩鈔集毫先生風期定造學無  
不覽善蘭竹花卉具簡淡蕭疎之趣

青林院贈王瑛師野鶴

方袍老羽士獨誦住香林留客翻雲笈多年冠玉簪亂  
峰環砌抱叢柏壓簷陰卽此幽棲好可勞戲五禽

馬仲琛

仲琛字佩韋青縣人鳴蕭孫貢生官奉天開原

縣訓導有樂儀堂稿

津門詩鈔佩韋五言  
清淡得乃祖風味

詠懷

落落謝塵寰遂意寄空谷地偏心愈遠物外愜幽獨

光凝竹窗雲影帶茅屋耽此雲山趣世路任反覆或當  
松徑閒或傍花影宿愛謝復愛陶好句供我讀一唱三  
歎息琅琅振林麓

晝永真生事北窗睡起初性自耽幽寂時亦嗟索居野  
客解余意抱琴過草廬聆彼山水音疎散我心娛殷勤  
謀諸婦斗酒對庭除相與恣笑談清風來徐徐

讀書

獨無外物牽况復門深閉晚景斂殘霞光寒日初洩寥  
寥空齋中把卷消寒夜然燈對古人相對還相悅道由  
潛心通坐久塵想滅落葉響長林碧井寒泉冽萬象彙

其中古今一冷熱人生天地間百年如夢結孤影伴殘  
編心幽趣自別

崔允貞

允貞字介石號訥菴慶雲人貢生

棣城

疎烟微雨棣城紛春際月沾生水紋夜靜高河橫野渡  
曉封杏岸障浮雲鐘敲東嶽晨光爛借弄西山日暮聞  
雁和漁歌聲亂處會看岡上見龍箋

邊 睿

睿字智臨任邱人銘珣子諸生舉孝廉方正有

土苴集一卷

任邱縣志智臨操履純篤沈默寡言幼遭父喪毀瘠輟食禮逾成人受詩學於龐公塏得其薪傳著有尚書彙輯

注及土苴詩集

題毛公祠

祠建瀛州古名從漢代崇荒庭垂老樹破壁灑秋風遺像冠裳肅傳經道誼隆賢王同膺嚮咫尺日華宮

吳炯

炯字清夫豐潤人廩貢生官州同

吳廷溥先曾祖行略公慈和儉樸雍正初佐怡賢親王陳蘭雪學士勸議營田以州同督理本色水利營田事邑城南一帶圩田種稻溝塍壤接數百頃修復濬導多所經畫村農賴以饒裕

露

玉樹唐文誤金莖漢武愁併將今古意寫入淺深秋潤  
偶凝桐乳乾仍悵草頭千齡延沃野天酒共誰酬

牛 焜

焜字照千南樂人貢生有慎思齋詩集

讀陶詩

我愛陶靖節真與世情薄爲令羞折腰歸田自耕鑿籬  
畔菊花開對酒還獨酌醉後輒賦詩聊以自怡樂挽歌  
信曠達乞食亦善謔富貴非所尚古氣自磅礴世事任  
變遷林泉永栖託吟嘯不自失何妨飽藜藿笑彼揚子

雲元經勤著作赧顏仕新莽何如老邱壑

客中懷友人

攜手鄉園日歡歌不記年銜杯謀白墮論古對青瑣松  
老霜迷徑梅開雪滿天知君同落寞搔首一燈前

陳倬

倬字卓人號潛齋磁州人聖俞子貢生

磁人詩公孝友敦篤  
學品兼至爲磁人望

牡丹

蓬萊佳氣靄晴霞裁作人間富貴花一陣暖風來闥苑  
天香吹上五雲車

王不黨

不黨字兆棠號雪岑靜海人官河南新鄭縣知

縣有于役草

津門詩鈔公宋王沂公曾之後先代居山東益都明初遷靜海因著籍公少孤丰姿凝秀同里厲文恪公深爲器重宰浙江江山政蹟民多誦之爲建祠肖像後宰新鄭請休

鄉思

遙想東風拂畫闌  
草堂邀客薦春盤  
傲廬陋已傳三世  
糲食羸猶足兩餐  
樹裏幽窗成獨坐  
門前闕市且旁觀  
尊罍何日尋歸棹  
萬卷楹書子細看

黃聰

聰字仲達元城人諸生有蒸菌書室集一卷

和陶飲酒

王侯與氓隸相去馬牛風孰知本無別共在紅塵中夢境非真實何處覓窮通惟當花下飲趁此月如弓

杜老思燕玉空想何由得可憐婉婉情賢愚同一惑茫茫銀漢水非鵲可填塞千古荒唐語七夕會傾國不如一醉真韜光守元默

方士言神仙本來無一真况復荒淫主欲濃如飲醇連舟載童女豔色桃花新縹緲東海上徐福愚狂秦八水漢旌旗三月楚烟塵彭殤要有數愚人空自勤死生同



夜旦何仇復何親泛然任所之如舟泛通津忘骸伯倫  
銛隨緣靖節中長生未可學且學達生人

王若璉

若璉字墨癡開州人諸生有墨癡集

馬允剛序墨癡集全學中晚五律頗  
有劉文房風格七律七絕和平大雅

夏日偶成

岸柳濃陰處處通短藤常是曳清風詎能遺世同蒙叟  
賴可忘機似海翁好月多情來水面浮雲無意過林中  
眠鷗宿鷺蕭閒甚一任溪花自在紅

魯璠

璠字荆什豐潤人貢生

靈泉寺

幸有靈泉可靜栖  
芒屨竹杖自堪攜  
花簪峰頂形如髻  
雲接山腰勢若梯  
荒碣數行存廢寺  
奚囊半帙盡新題  
依稀不辨歸來路  
樵徑微茫醉易迷

梁 雍

雍字元肅正定人清標孫歷官廣西按察司僉事有散朗齋詩稿

龍鬢序元肅溫其如玉恂然謙退若不勝衣其詩語豔而體莊腴中而秀外所謂發乎情止乎

禮義者

暮秋

西風黯淡碧雲流處處砧聲起暮愁滿地月明桐院靜  
一簾露濕草堂秋黃花寂寞人凭檻落木蕭疎鴈過樓  
露布新傳烽火息海南飛將近封侯

送象曼先生旋里

津亭卮酒悵驪歌匹馬蕭然曉渡河回首薊門烟樹隔  
青山斷處暮雲多

梁穆

穆字敬仲號改亭正定人清標孫拔貢生官蘇州府知府有列翠軒詩二卷

張大受序真定梁君生于相門踐履  
寒素其詩骨清而詞雅氣逸而神和

夜雨懷楊石湖主事石樓上人

細雨逗餘寒寂寂無所適黃昏掩關臥靜聽檐間滴氣  
逼鑪烟凝溼縈窗紙黑應知禱旅客殘燈耿虛壁折簡  
欲招邀泥深馬無力相思正鬱陶牆外誰家笛

月夜坐松下

世人慕紛華心醉紫與紅獨有曠懷士愛此亭亭松百  
尺無附枝夭矯盤蚪龍新秋雨初霽素月流天中披襟  
坐其下蕭颯來天風仰觀凌霜姿俯聽吟草蛩心境兩  
清絕何必聞晨鐘儻逢青牛士或遇白石翁攜手上蓬

乘下視青濛濛

白露前一夕月夜聞蛩語且赴會城

唧唧蛩聲裏閒雲淡欲流卻憐吟傍月那解客悲秋露  
泣深宵竹燈明遠際樓吾廬堪笑傲何事又扁舟

甲申仲春赴宜陽司馬任

翠鶴無多累飄然山里門遠遊今日始拙宦素風存柳  
色催行騎春陰黯旅魂故園回望處烟雨隔孤村

庚辰花朝後一日雨中北上感賦

故園回首路漫漫細雨斜風襖被寒誰道花朝偏寂寞  
自憐客興已闌珊三分春色愁中度一抹雲山霧裏看

遙盼炊烟松舍近不知何處解征鞍

陶冲驛和壁間韻

逶迤山翠抱孤村新柳深藏野店門  
駐馬板橋看暝色  
一溪春水浸雲根

朱函夏

函夏字乾馭號陸槎天津人同邑子貢生有谷

齋集

津門詩鈔陸槎先生讀書精專必窮其蘊游江  
南胸之所蓄發於詩沈雄渾厚根柢盛唐某中  
丞開宴黃鶴樓文士雲集酒酣賦詩公時弱冠  
居末坐唯至渚官秋色惟烟水大別山光白古  
今合坐歎絕  
齊爲閣筆

將赴景州有作

海內吾何向，懷人起夜闌。  
老鷺名宿少，貧賸異書難。  
遂發山陰興，期追季札歡。  
扁舟落吾手，雲水盪胸寬。

登黃鶴樓

回首中原落日斜，望中吳楚浩無涯。  
乾坤烟雨三秋客，江漢波濤萬古槎。  
更有何人賦鸚鵡，不曾聞笛弄梅花。  
憑欄長嘯西風起，東指滄溟是我家。

經過夏口一登臨，古意盈盈楚客心。  
抗手雲中思駕鶴，無人漢上與題襟。  
渚宮秋色惟烟水，大別山光自古今。  
果有荀懷遇仙侶，峭帆他日此重尋。

鄒縣感懷

征車重向嶧山來，記得甘棠祖德栽。  
三載桐鄉曾有碣，一孫襦散不中材。  
何時得遂榆枋樂，長路空銜屺岵哀。  
欲採江花過江水，秋風無數木蘭開。

徐州

嶧縣南來過此州，紅亭風景屬吳頭。  
危城枕岸河歸海，涼雨連雲燕入樓。  
偶向囊中隱，雖穎不妨皮裏著陽秋。  
錦衣富貴當年事，我欲題詩弔楚猴。

雨中渡淮

漠漠乘龍洲水邊，烟中一葉渡淮船。  
特衝寒雨江心驛，



去試香茶白乳泉於道無聞年四十干人何事路三千  
不須攬鏡塵容瘦兩鬢秋風意颯然

條縣懷古

條侯勲業未全湮封土依然廟食新肯以驅場等兒戲  
却緣縱理作明神令嚴獨稱將軍職運往難爲少主臣  
何處遺營雲鳥跡青青柳色漢時春

黃裕

裕字文饒號問園祐弟天津人諸生

壬戌夏舟中憶琅村

荷氣送行舟支窗眺畫永寂寞眼前境疏密人家影倦

翼息陰枝丹霞燦陽景垂垂原隰禾薰風蕩新穎雙眸  
豁寥廓一身忘浮梗念我同心人居不滿二頃近市少  
逢迎安貧無微倖勢燄熱人間盡於酒腸冷我懷素絲  
憂感君益自警良晤會有期秋空月炯炯

李日茂

日茂字廓園清豐人貢生有澤畔吟一卷

淮陰道中

落落平生只此心誰憐風雨走淮陰猖狂恥下窮途淚  
憔悴空餘澤畔吟漂母如逢甘乞食鍾期不遇忍彈琴  
仲宣樓上重回首綠徧王孫草色深

董 樞

樞字雨若號潤墅豐潤人榕弟官湖北德安府

知府有涉江草濱濼吟子役江干草

清涼山掃葉樓寄懷

斜陽明野色相望幾躊躇雁叫江雲斷僧歸山月初新

涼洞旅鬢落葉憶鄉書底事南遊久終年釣艇虛

查 曦

曦字漢客天津人有珠風閣詩草七卷

于凝祺序漢客詩句萬神逸丰姿韻秀  
洵得三百之旨而博漢唐以來之趣

許王猷序漢客行詣高卓襟懷爽朗每往來奇  
偉卓絕之境以自廣其胸中之氣珠風閣集寄

託遙深措詞高雅寫難狀之境如  
在目前含不盡之思見於言外

送博菴和尚歸廣陵

遠送白頭僧春風向廣陵  
拈花留別偈折柳贈行蹤  
瓦鉢千家飯雲山七尺藤  
紅橋二十四歸去定先登

懷張帆齋先生

憶昔別來日西風八月初  
秋深猶作客鴈盡未傳書  
松菊淵明宅蓬蒿仲蔚居  
何時得載酒重看惠莊魚

過香林院訪玉笈山人兼書近懷

饑來驅我去身似斷蓬飛  
秋日一爲別春風得暫歸  
稻粱生計拙魚鳥素心違  
離思如芳草依依戀夕暉

病愈九日郊遊

九日身初健，西郊強一遊。  
遠山寒積雪，孤樹老禁秋。  
何地黃菊他鄉易，白頭那堪高處望。  
風色逼人愁。

旅窗秋夜

寂寂清秋夜，淒淒落木風。  
愁添雙鬢白，夢斷一燈紅。  
往事雲離岫，羈心鳥有籠。  
鄉園好，明月空照菊花叢。

秋意同燕臺璩端士作

竹林烟冷石苔蒼，蟲語陰陰鶴夢長。  
作賦朋儕半零落，懷人心事正淒涼。  
容顏自爲風霜改，筆硯將同草木荒。  
賴有文園能續社，聯吟遲暮弔清湘。

秋夕東園

日沈西嶺暝秋郊  
簷底觀書手倦拋  
別院雞棲人閉戶  
空林葉落鵲歸巢  
半鉤涼月生樓角  
三徑高風響竹梢  
已覺客心清似水  
更聞山磬倚雲敲

土陀秋夕

秋寺殘鐘閉院門  
牛羊幾點下黃昏  
人歸灑水風生樹  
雲散遶天月滿村  
夕露微微沾客袂  
陰蛩唧唧語蓬根  
誰憐荒徑行吟冷  
寥落徒傷宋玉魂

歸里偶題

故園芳草獨歸遲  
挑葉成陰柳影垂  
舊燕語闌春已遠

新蟬聲動夏初宜  
輕紗細葛裁衣日  
小市長廊賣扇時  
趁此清和好天氣  
且投蓮社一題詩

### 查爲政

爲政字漢公天津人有蘭亭詩鈔

張廷枚序漢公胸懷磊落才情不羈發而爲詩自成一家

王又撰序查子詩多自寫其胸臆聲調高朗無不入格

朱函夏序蘭亭詩余愛其五言如風蟬嘶樹遠

秋水漾天長一鴈穿雲去千帆帶日來  
荻風吹雨補蘆月照孤葦雪冷梅偏豔  
林空鳥不啼七言如雲迷梵寺疎鐘遠  
日照長河暮鷺齊心向

靜中禪自定詩從淡處意偏長  
度水鐘鳴山寺月爭林鴉噪夕陽烟皆秀雅

### 雨中

半榻爐烟細攤書臥短牀新蟬鳴古樹暮雨暗空廊病  
後嫌衣薄閒中怕日長落花聽不見只覺晚風香

于揚獻

揚獻字濯溪天津人諸生

過明陵

北山林麓掩紅牆曲折行來輦路荒  
敲側豐碑摧鼻屨參差古瓦亂鴛鴦  
春深玉砌埋荒草日落珠宮黯綠楊  
幸賴熙朝多曠典祠官歲歲薦蘋香

辛志可

志可字登雲元城人貢生有游藝園詩草



爲客

疎鐘催曙色一枕對愁眠  
哀鴈驚清夢棲鴉報曉天  
飄零誰與語形影自相憐  
最是書窗客心同落月懸

李才贊

才贊字去華號椒砦高陽人諸生有怡雲堂集

一卷

高洪鈞傳才贊相國文勤公從孫少有逸才爲諸生有聲數試不得志遂絕意仕進博學強記凡古今人物輿圖扼要無不精貫好遊名山大川登臨幾徧工書臨摹古蹟經年不展戶限詩雄宕有奇氣出入浣花玉川之間蠡吾李恕谷璿及其叔武選先生其旋爲之延譽與弋給諫濤邊徵君連寶相頡頏人目爲燕南三子

交城道中

喜入靈川路新晴指顧間雲藏孤突廟風落呂梁山秋  
響鴉聲遠泥融馬足閒遙知今夜裏伯仲盡開顏

古大陵城

鼓瑟人何在山歌亂客腸大陵城畔望空憶武靈王

張堂

堂字偉士榕端孫磁州人官山西永和縣知縣

悼內

流年漸換歲華新寂寞妝臺鏡掩塵百事箴規失良友  
一身冷暖少知人釵分中道情何極境落虛無夢不真

寫得詩成腸已斷那堪風雨又殘春

張 珽

珽字孟芳徽州人官浙江海鹽縣知縣

磁人詩珽官鎮海令署象山雍正十一年浙東飢象山隔海無河運商賈不通珽由海運濟民食幸獲安全丁巳調海鹽令

秋夜

殘雲縷縷碧天齊斜月如鉤挂屋西  
欲托幽棲尋好夢園林休道夜烏啼

鄭廣緒

廣緒棗強人官平鄉縣教諭

長至後二日大雪

窮陰方唱黃鐘而隔日旋歌白雪來六瑄灰從前夜動  
千林花向一朝開雲深村市誰沽酒冰合溪橋待探梅  
分得葦蘇清興好尖叉險韻鬥新裁

紀恒

恒字任甫號北峰文安人遜宜子諸生有藤花  
書屋詩草

歲暮用姪衣孟韻

一年餘此日風雪正淒其白髮勞人早青春陋巷遲遙  
占池草夢對詠竹林詩祀臘漫從俗艱難問酒卮

春晴

淼淼芳洲春水生翠鬟如沐雨初晴乳鳩啼罷一林晚  
落日半山人尙耕

王 胤

胤字契九清苑人諸生

望郎山

西峰不與亂山連自插芙蓉列紫烟疊嶺總浮朝霧上  
懸崖疑墮夕陽邊寒通大漠千秋雪晴照中原萬里天  
憶挽長蘿凌絕頂衲衣金策倍儂然

王 鶴

鶴字鳴九清苑人諸生

廉將軍廟

雕戈北指陣雲深  
鐵甲南遷旅思侵  
自合將軍生白髮  
非關使者愛黃金  
三朝恩遇亡臣淚  
百戰驅馳故國心  
豈料叢臺燕沒後  
燕人伏臘到於今

馬爾怕

爾怕字訥宜靈壽人貢生雍正五年舉孝友端  
方有容園蟬露草

述懷次韓繼文韻

咄咄書帷裏燈殘奈夜何  
枕寒春到少樹冷鵲驚多  
性

坦人情險身慵世法苛不因貪五斗底事負烟蘿

寄酬韓繼文卽用留別元韻

偃蹇原多病乖違恨轉深攜家憐遠別贈策愧知音  
雪淒行色春燈閣小吟何時重聚首細與論初心

冬日漫興

昨夜北風吹雪紛紛亂灑簷牙糊箇護窗紙帳防他凍  
損梅花

陳玠

玠字實人號石汀天津人貢生

津門詩鈔石汀老人書學陳香泉太守與李大拙龍東漢梁崇此黃六吉游風期清尚絕異時

流詩  
淡遠

春日憶拙公

青溝有長松百尺風雲入遠公別其下依依手頻執經  
許石上翻定約花間習胡爲兩年內迴無巖信及飲啄  
猿鶴思魂夢峰巒集近喜早春時凍雨海田溼豆苗山  
之陽嬾青幾回拾萬事本浮烟笑余但羈馬會持九節  
杖更戴曲柄笠爲君掃雲房山志同蒐輯

邊  
怡

怡字孟友任邱人睿子諸生有積翠山房詩稿

二卷



秋日書懷

村居乏朋儕息心就枯槁落葉滿空階山童慵不掃牀  
頭手一編焚香恣幽討默坐對古人尙友開懷抱入室  
風泠泠當窗月皎皎萬念湛然寂寞會識至道何事求  
神仙金丹叩荒渺

擬古

匣有干將劍紫氣冲雲霄淬以鸚鵡血飾以英瓊瑤愛  
此絕世珍不類常佩刀張華不可作委棄埋塵蒿田父  
顧之笑欲刈三尺蒿

村舍偶成

三徑蓬蒿滿荒涼  
笑敝廬卷簾風定後  
移竹雨晴初  
小坐烹新茗  
高眠枕故書  
籬邊饒茂草  
曉起嬾搵鋤

秋懷

風雨瀟瀟夜氣沈  
淒涼景物助狂吟  
幽懷對酒談空壯  
傲骨逢秋病轉深  
木落空林棲倦鳥  
霜飛別院響遙砧  
唾壺擊碎愁無限  
翹首長天看暮陰

國朝文獻輔詩傳卷三十一

終